

L'Olive augmentee depuis la premiere edition. La Musagnoeomachie & aultres oeuvres poëtiques. Avec privilege pour IIII ans. A Paris. 1550. On les vend au Palais es boutiques de Gilles Corrozet & Arnoul L'angelier.

Source : Joachim du Bellay, *Œuvres poétiques 1*, éd. établie par Henri Chamard et mise à jour par Yvonne Bellenger, STFM, 1982 [1908], p. 124.

Ré-éditions : *L'Olive augmentee depuis la premiere edition...* Paris, Gilles Corrozet et Arnoul l'Angelier, 1554.

CXV

De quel soleil, de quel divin flambeau
Vint ton ardeur ? lequel des plus haulx Dieux,
Pour te combler du parfaict de son mieulx,
Du Vandomois te fist l'astre nouveau ?

5 Quel cigne encor' des cignes le plus beau
Te prêta l'aele ? et quel vent jusq'aux cieulx
Te balança le vol audacieux,
Sans que la mer te fust large tombeau ?

De quel rocher vint l'eternelle source,
10 De quel torrent vint la superbe course,
De quele fleur vint le miel de tes vers ?

Montre le moy, qui te prise & honnore,
Pour mieulx haulser la Plante que j'adore
Jusq'à l'egal des Lauriers tousjours verds.